

1. **OPĆINA STARI GRAD SARAJEVO**, ul. Zelenih beretki br.4, koju zastupa Općinski načelnik mr.Ibrahim Hadžibajrić (daljem tekstu: Ugovorni organ)
ID broj: 4200738880009
PDV: 200738880009
Telefon: 033/282-421
Fax: 033/220-804
e-mail:
2. **"DSC" d.o.o. Sarajevo** sa sjedištem u ulici Ante Fijamenga 14b,Sarajevo
koga zastupa direktor Branka Baltić (u daljem tekstu: Vršioac)
ID broj: 4200144230004
PDV broj:200144230004
Telefon: 033/710-076
Fax : 033/713-160
E-mail: info@dsc-sa.ba

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama („Službeni glasnik BiH“, broj 39/14) proveo postupak javne nabavke - Otvoreni postupak-E-Aukcija za: **Usluga održavanja postojećeg sistema video nadzora „HIK VISION“ i „AVIGILON“ koji su instalirani u objektima koje koristi Općina Stari Grad Sarajevo za period juli 2021.godine–zaključno sa 31.12.2024. godine** sa ciljem zaključivanja okvirnog sporazuma sa 1(jednim) ponuđačem za navedeni period.
- da je Ugovorni organ donio Odluku o izboru najpovoljnijeg Vršioaca usluge, broj: 01/1-11-4050/21 od 07.07.2021. godine, u skladu sa kojom se zaključuje ovaj okvirni sporazum između Ugovornog organa i Vršioaca.
- da je Vršioac usluge dostavio ponudu broj 601/21 od 02.07.2021.godine, koja čini sastavni dio Ovog okvirnog sporazuma (u daljem tekstu: Ponuda Vršioaca);
- ovaj okvirni sporazum ne predstavlja obavezu Ugovornog organa na zaključivanje ugovora o Javnoj nabavci.
- **obaveza nastaje zaključivanjem pojedinačnog ugovora o javnoj nabavci na osnovu ovog okvirnog sporazuma.**

OKVIRNI SPORAZUM

Usluga održavanja postojećeg sistema video nadzora „HIK VISION“ i „AVIGILON“ koji su instalirani u objektima koje koristi Općina Stari Grad Sarajevo za period od july 2021.godine–zaključno sa 31.12.2024. godine

PREDMET OKVIRNOG SPORAZUMA

Član 1.

Predmet okvirnog sporazuma je utvrđivanje uslova za zaključivanje ugovora o javnoj nabavci za: **Usluga održavanja postojećeg sistema video nadzora „HIK VISION“ i „AVIGILON“ koji su instalirani u objektima koje koristi Općina Stari Grad Sarajevo za period july 2021.godine–zaključno sa 31.12.2024. godine** između Ugovornog organa i Vršioa usluge u skladu sa uslovima iz tenderske dokumentacije i Ponudom Vršioa, odredbama ovog okvirnog sporazuma i stvarnim potrebama Ugovornog organa.

VAŽENJE OKVIRNOG SPORAZUMA

Član 2.

Ovaj Okvirni sporazum se zaključuje za period july 2021.godine – zaključno sa 31.12.2024.godine, a stupa na snagu danom obostranog potpisivanja učesnika sporazuma.

CIJENE

Član 3.

Vrijednost Okvirnog sporazuma za 1 (jednu) godinu iznosi: 20.400,00 KM bez PDV-a. Ukupna vrijednost Okvirnog sporazuma za period july 2021.godine – zaključno sa 31.12.2024.godine iznosi: 71.400,00 KM bez PDV-a.

Jedinične cijene iskazane u Ponudi Vršioa, bez PDV-a su fiksne i ne mogu se mijenjati za sve vrijeme važenja okvirnog sporazuma.

NAČIN I USLOVI ZAKLJUČIVANJA POJEDINAČNIH UGOVORA

Član 4.

Nakon zaključenja Okvirnog sporazuma, kada nastane potreba Ugovornog organa za predmetom nabavke, Ugovorni organ će uputiti Vršiocu poziv za dostavljanje ponude u cilju zaključivanja pojedinačnog ugovora o javnoj nabavci. Poziv za dostavljanje ponude će biti upućen na adresu Vršioa.

Rok za dostavljanje ponude iz stava 1. ovog člana, iznosi 2 (dva) dana od dana upućivanja poziva za dostavljanje ponude. Ponuda Vršioa iz stava 1. ovog člana naročito sadrži cijenu i rokove.

Vršioc je dužan da u roku iz stava 2. ovog člana dostavi svoju ponudu na adresu Ugovornog organa. Ponuda iz stava 1. ovog člana mora biti zasnovana na cijenama iz ponude Vršioa i ne može se mijenjati. Ugovorni organ i Vršioc će zaključiti pojedinačni ugovor o javnoj nabavci u roku od 5 (pet) od dana dostavljanja ponude iz stava 1. ovog člana, ukoliko je ista dostavljena u svemu u skladu s ovim okvirnim sporazumom.

Član 5.

Pojedinačni ugovor o javnoj nabavci se zaključuje pod uslovima iz Okvirnog sporazuma u pogledu predmeta nabavke, cijena, načina i rokova plaćanja, rokova vršenja usluge.

Član 6.

Vršioc je dužan dostaviti безусловnu bankovnu garanciju za dobro izvršenje pojedinačnih ugovora na osnovu potpisanog Okvirnog sporazuma. Iznos garancije za izvršenje ugovora je 10% od vrijednosti pojedinačnih ugovora.

NAČIN I ROK PLAĆANJA

Član 7.

Rok plaćanja je 30 (trideset) dana, od dana prijema fakture, a nakon okončanja vršenja usluge, na osnovu pojedinačnog ugovora o javnoj nabavci zaključenog u skladu s okvirnim sporazumom.

ROK VRŠENJA USLUGE

Član 8.

Vršioc je dužan da usluge izvrši na osnovu pojedinačnog ugovora o javnoj nabavci u skladu sa Okvirnim sporazumom, kvalitetno i prema pravilima struke. Rok za vršenje usluge ne može biti duži od roka traženog putem poziva za dostavu ponude iz člana 4. ovog okvirnog sporazuma, od dana zaključenja pojedinačnog ugovora o javnoj nabavci.

PRIJEM IZVRŠENIH USLUGA I OTKLANJANJE NEDOSTATAKA

Član 9.

Vršioc preuzima potpunu odgovornost za kvalitet izvršenih usluga na osnovu pojedinačnog ugovora o javnoj nabavci koji zakluče Ugovorni organ i Vršioc, u skladu s ovim okvirnim sporazumom. Vršioc je dužan za pojedinačni ugovor dostaviti garanciju za dobro izvršenje ugovora, a kako je definisano Vršioc sa kojim je zaključen pojedinačni ugovor dužan je da po izvršenim uslugama pisanim putem obavijesti Ugovorni organ da su isti završeni, na osnovu kojeg će se formirati komisija za prijem istih. Ukoliko Ugovorni organ ima eventualne primjedbe na vršenje usluge, iste će bez odlaganja saopštiti, odnosno dostaviti pisanim putem Vršiocu.

Vršioc se obavezuje da u svemu postupi po eventualnim primjedbama Ugovornog organa i nedostatke otkloni bez odlaganja u rokovima koje odredi Ugovorni organ. Ukoliko Vršioc ne otkloni nedostatke u roku, Ugovorni organ zadržava pravo da nedostatke otkloni preko trećeg lica sa pravom na regres od Vršioca. Ako se naknadno pokaže neki nedostatak koji se nije mogao otkriti na uobičajeni način, Naručilac je dužan da o tom

nedostatku pisanim putem obavijesti Vršioca bez odlaganja. U slučajevima iz prethodnog stava ovog člana, Ugovorni organ ima pravo da zahtijeva od Vršioca da otkloni nedostatak u primjerenom roku ili da unovči sredstvo obezbjeđenja bankovnom garancijom za dobro izvršenje posla.

Član 10.

Ukoliko Vršioc prilikom vršenja usluge pričini štetu trećim licima ili ošteti postojeću opremu, dužan je u vlastitom trošku nadoknaditi štetu, odnosno izvršiti popravku.

UGOVORNA KAZNA

Član 11.

U slučaju kašnjenja u vršenju usluge, do kojeg je došlo krivicom odabranog vršioca, isti će platiti ugovornu kaznu u skladu sa Zakonom o obligacionim odnosima u iznosu od 1,0% vrijednosti ugovorenih usluga, za svaki dan kašnjenja do urednog ispunjenja, s tim da ukupan iznos ugovorene kazne ne može preći 10 % od ukupne vrijednosti ugovorenih usluga. Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje izabrani vršioc nije mogao uticati niti ih predvidjeti.

VIŠA SILA

Član 12.

Ukoliko poslije zaključenja pojedinačnog ugovora na osnovu ovog okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih pojedinačnim ugovorom ili okvirnim sporazumom, rokovi izvršenja obaveza će se produžiti za vrijeme trajanja više sile. Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom. Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl. Strana u okvirnom sporazumu pogođena višom silom odmah će, u pisanoj formi, obavijestiti drugu stranu o nastanku nepredviđenih okolnosti i dostaviti odgovarajuće dokaze.

POSEBNE I ZAVRŠNE ODREDBE

Član 13.

Za sve što nije regulisano ovim okvirnim sporazumom primjenjivat će se odredbe zakona koji regulišu obligacione odnose, kao i drugi propisi koji regulišu ovu materiju.

Član 14.

Sve sporove koji proisteknu u realizaciji ovog okvirnog sporazuma strane u ovom okvirnom sporazumu će rješavati sporazumno. U slučaju da sporazum nije moguć, spor će rješavati nadležni sud u Sarajevu.

Član 15.

Ovaj Okvirni sporazum sačinjen je u 6 (šest) istovjetnih primjeraka, od kojih Ugovornom organu pripada 4 (četiri), a Vršiocu usluge 2 (dva) primjerka.

Stručna obrada:

Aldiana Kavazović, dipl.pravnik
predsjednik Komisije za javne nabavke

Tehnička obrada:

Tarik Aščić

„DSC“ d.o.o. Sarajevo
Branka Baltić

OPĆINSKI NAČELNIK
mr. Ibrahim Hadžibajrić

Broj: _____
Sarajevo, _____

Broj: 01/1-11-4050/21
Sarajevo, 14.07.2021. godine

